

函湖志
全集

三鑒堂
藏板

金華氏正修堂圖書

重刻西湖志序

洋昌

刊刻

魏濟

西湖志自叔禾田先生原刻而後類皆各自成言其山川考覈多未悉其道里遠近先後上下之次第亦多無有條貫至其摭拾詩辭又半皆市井倚紅偎翠

之語而於前賢紀述則率以已
意竄易其間誕妄乖謬殊失志
體若夫西湖六十家小說以及
故老舊聞田先生未嘗不悉采
之以爲故實然而考據雅確辯
悉詳委曾不溺一好事者之口

以聾瞽世俗誠信史也是以通
志郡志及錢塘仁和二縣志無
不徵引先生之言以爲可信而
可傳者故先生西湖志一書匪
特志西湖已也實郡志也無何
陵谷變遷臺榭荒沒自六橋以

抵三竺一森蔭無存鳥語絕響水
流花落悉委榛莽而孤山西冷
間又兩岸骨堆碁布瑩飾如雪
向之所謂六橋花柳靡有存者
而李白林蘇四先生之流風遺
韻盡爲牛蹄馬足之所往來而

西湖勝蹟殆不可問矣迨後自
故少保范忠貞撫浙首禁兩山
樵牧及清理西湖沽塞檄修處
士墓重建放鶴亭於墓右而湖
山景勝漸見設施不意耿逆變
起干戈俶擾於是湖上亭館盡

廢而西湖之水亦臭惡穢濁不可汲飲見者輒比以爲西子不潔不若惡人之齋戒嗚呼是豈西湖之性也哉至是越十五載今上皇帝康熙二十八年歲在己巳春二月南巡會稽道

由浙江先自幸吳山極紫陽之巔次幸西溪次幸三天竺之靈隱山勅改靈隱禪寺爲雲林禪寺及以御書之扁額賜之璀璨一時光耀千古固不特千百年巡狩之曠典於斯快睹爲

盛事也喬嶽嵩呼黔首感激已
無論黃童白叟咸識 聖天子
之所臨蒞而桃李日在春風父
老皆相戒勿剪伐而謀築園墅
粉繪太平者比比將見不數十
年而自可復巨栢喬松珠樓翠

閣之舊則又今日者真西湖貞
元交會之一日也太平盛事敢
不拜手稽首颺言以紀之歟是
用叔禾先生原志少爲增刪彙
游覽志二十四卷爲八卷改題
曰西湖志其志餘二十六卷復

損其繁冗者爲十八卷仍題曰
志餘以附梓於後庶幾不敢忘
前人紀述之所自以自附於田
先生述而不作之後云爾嘗
大清康熙己巳端陽日古吳姚
靖敬書

原叙

海上之士往往談蓬萊三島之
勝恍忽渺茫莫可踪跡豈若西
湖重青淺碧抱麗城闔陸走水
浮咸可涉覽况帝都之餘藻飾
華富卽海上之士所稱珠宮貝

闕琪樹瓊花當不過此宜乎勝
甲寰中聲聞夷服也然海內名
山率皆有志而西湖獨無詎非
闕典曩歲五嶽山人黃勉之嘗
謂予曰西湖無志猶西子不寫
照霓裳不按譜也子盍圖之時

予敬諾而五六年前宦遊無暇
迨乎宅憂除服聊寓目焉風景
不殊良朋就世言猶在耳負約
已長因念古人踰祥授棊將以
舒其苑結聞籥作賦用以感於
幽冥予不敏竊比山水於笙歌

擬估畢以酬諾一物二義爰契
我心於是紬集見聞再證履討
輯撰此言叙列山川附以勝蹟
揭綱統目爲卷者二十有四題
曰西湖遊覽志裁剪之遺兼收
並蓄分門彙種爲卷者二十有

六題曰西湖遊覽志餘客有病
予此書多述遊冶之事歌舞之
談導慾宣奢非以長化也予則
以爲志者史家之一體也史不
實錄則觀者何稽焉故秦華終
南守國者恃爲金湯之固武夷

雁蕩棲真者隱爲解化之區嶽
麓鵝湖講學者闢爲都授之所
西湖三者無一居焉而欲諱遊
冶之事歌舞之談假借雄觀祇
益浮僞爾史家不爲也客又病
予此書名繫西湖而旁及城市
覈實不符予則以爲西湖者南
北兩山之秀液也南北兩山者
西湖之護沙也滋靈釀淑條貫
同之若非元本山川要原別委
則西湖之全體不章故旁及城
市正以摹寫西湖也學使文谷

孔公嘗覽而嘉之曰殆郡史也
美刺具陳欲爲鉞傳而以憂去
侍御紀山曹公亦欲鉞傳而復
以憂去至是侍御劍泉鄢公按
部兩浙政肅風清博雅崇文垂
情藝苑布憲之暇訪及此書覽

而嘉之謂郡守嚴公曰是誠郡
史可以傳矣嚴公敬諾屬貳守
丘公綜理之而民部秋軒薛公
水部洪宇王公咸權稅於杭聞
茲盛舉亦捐貲焉未浹四旬勒
梓已竟竊愧才綿識昧筆削無

方符篆蚩冷虛工官之雅意楮
宜覆甌貽大方之哂言若肯苴
其闕畧彌其訛謬哀爲別集被
我寵光是大願也嘉靖二十六年冬十一月錢塘田汝成叔禾
父誤

西湖志目



錢塘田汝成

輯



古吳姚靖增刪

卷一 湖隄勝蹟

西湖○斷橋○十錦塘○望湖亭○孤山○四賢堂
○范公祠○敬一書院○林處士墓○放鶴亭○瑪
瑙坡○俞公祠○歲寒巖○三賢祠○二賢祠○關
帝祠○陸宣公祠○朱文公祠○盧舍庵○六一泉
○西冷橋○蘇公隄○楊公隄○履泰將軍廟○關

帝廟○趙公隄○湖心亭

卷二 北山勝蹟

兩峰書院○樓外樓○孫忠烈公祠○靈芝崇福律

寺○錢王祠○彭祖菴○仙姥墩○豐樂樓○柳洲

亭○先賢子貢祠○陳公祠○問水亭○湧金水門

○錢塘門○玉蓮堂○來鵲樓○瀟水橋○昭慶律

寺○霍山○慶忌塔○羊坊橋○小瀟水橋○靈衛

廟○石函橋○寶石山○放生亭○大佛禪寺○靈

濟廟○夏后祠○寶所塔○崇壽禪寺○壽星石○

石屏風獅子峯○屯霞石○看松臺○乳泉井○一

勺泉○天然圖畫閣○智果寺○錦塲○初陽臺○

葛翁井○瑪瑙講寺○葛嶺○葛仙翁墓○四聖延

祥觀○竹閣寺○顯功廟○虎頭巖○嘉德永壽講

寺○洪公祠○鳳林寺○龐公祠○關帝廟○棲霞

嶺○棲霞洞○紫雲洞○牛臯墓○妙智菴○宋少

保岳武穆王墓○翊忠祠○流芳亭○葉公祠○王

彭二公祠○埽帚塲○黃龍洞○白沙泉○淨性禪

寺

卷三 北山勝蹟

仙姑山○張憲墓○青芝塲○玉泉講寺○水竹塲
○神霄雷院○靈峯禪寺○法華山○方井○報先
禪寺○佛慧禪寺○智勝菴○東岳廟○龍歸塲○
華塲○西溪○河渚○永興寺○梅花泉○千鈞池
○女兒橋○駝巘嶺○行春橋○九里松○仙芝嶺
○普福講寺○葛翁井○天醫院○黑觀音堂○集
慶講寺○合澗橋○飛來峰○龍泓洞○青林洞○
玉乳洞射旭洞○靈鷲塔○迴龍橋○石門澗○冷

泉亭○呼猿洞○靈隱山○北高峰○雲林禪寺○
石筍峰○茯苓泉○鞠光菴○嚴將軍墓○栗山○
佛國山門○下天竺講寺○靈鷲峰○月桂峰○稽
畱峰○蓮花峰○三生石○翻經臺○香林洞○葛
塲葛井○神尼舍利塔○中天竺禪寺○永清塲○
心菴○肅儀亭○見心亭○上天竺講寺○乳竇峰
○夢泉○大悲泉○如意池○幽淙嶺

卷四 南山勝蹟

流福水橋○學士橋○茶坊嶺○長橋○南屏山○

淨慈禪寺○雷峰○藕花居○倪尚書墓○九曜山
○發祥祠○石屋嶺○大仁禪寺○烟霞嶺○烟霞
洞○南高峰○榮國禪寺○錢糧司嶺○甘露禪寺
○大慈山○定慧禪寺○襄慶禪寺○真珠泉○玉
岑山○赤山○惠因寺○法相律寺○六通律寺○
管箕泉○于忠肅公墓○周真人墓○小麥嶺○張
尚書墓○東岳行宮○靈應廟○永福橋○大小麥
嶺○花家山○靈石山○張伯雨墓○徐尚書墓○
風篁嶺○楊梅塢○獅子峰○龍井寺○龍井○一
老龍井○九溪○十八澗

卷五 南山勝蹟

片雲石○片雲亭○與衆亭○李公祠○棋盤山○
方家峪○忠節祠○褒親崇壽教寺○華津洞○梯
雲嶺○慈雲嶺○永壽禪寺○龍山○天真禪寺○
登雲臺○勲賢祠○天龍禪寺○天華禪寺○勝相
禪寺○龍華禪寺○宋藉田○吳越國文穆王墓○
忠獻王墓○善慧禪寺○江文昭墓○鳳凰山○萬
松書院○八蟠嶺○留月玉壺二臺○萬松坊○報

國講寺。○宋行宮。○梵天講寺。○勝果禪寺。○月巖
○中峰。○宋殿前司營。○棲雲菴。○包家山。○山川
壇。○正宗菴。○三一菴。○大慈禪寺。○月輪山。○六
和塔。○開化寺。○秦望山。○羅刹石。○五雲山。○胡
端敏公墓。○雲棲塲。○定山。○風水二洞。○浮山。
浙江。○捍江塘。

卷六 吳山勝蹟

吳山坊。○吳山。○忠清廟。○海會寺。○東岳中興觀。
○玉樞道院。○至德觀。○嘉濟廟。○惠應廟。○水神
廟。○承天靈應廟。○關帝廟。○金地山。○城隍廟。
梓潼帝君廟。○火德星君廟。○寶月山。○蛾眉山。
淺山。○竹園山。○寶蓮山。○重陽菴。○青衣洞。○青
衣泉。○石佛山。○寶成講寺。○瑞石山。○瑞石泉。○橐
駝峰。○雪風洞。○紫陽菴。○鎮海樓。○長慶坊。○寶
山。○施公廟。○報功祠。○百法寺。○寶奎寺。○玄妙
觀。○四賢祠。○真聖觀。○普光菴。○七寶山。○通玄
觀。○開寶仁王講寺。○七寶菴。○定水寺。○壽春菴。
○七寶峰。○三茅寧壽觀。○三仙閣。○清平山。○開

兀寺。雲居山。雲居聖水寺。大觀臺。龍舌頭。
螺螄山。郭璞井。鐵冶嶺。

卷七 城圍勝蹟

鳳山門。雲錦橋。羲和坊。羲井巷。集義巷。
通江橋。懷信坊。仁孝坊。壽域坊。天慶坊。
保民坊。長慶坊。鎮海樓。布市巷。沙皮巷。
興禮坊。吳山坊。融和坊。清河坊。灌肺巷。
通和坊。普濟巷。寶佑坊。五間樓。延福坊。
惠民坊。巾子巷。中瓦巷。甘澤坊。文錦坊。

安平坊。永清巷。日新巷。羲和坊。連二坊。
修義坊。富樂坊。最樂坊。教睦坊。太和樓。
積善坊。秀義坊。壽安坊。武志坊。戒民坊。
新安坊。忠孝巷。修文坊。里仁坊。保信坊。
定民坊。百福巷。彌教坊。十官巷。棗木巷。
下瓦巷。新宮橋。夾橋巷。熙春橋。青冷橋。
鍾公橋。佑聖觀街。康裕坊。吳山坊。大隱坊。
安榮坊。懷慶坊。豐和坊。龍舌頭。南新街。
清望街。德化坊。十三灣巷。太和坊。天井。

坊。文明坊。杭州府。宣化橋。仁美坊。安阜坊。流福坊。沈公井巷。大瓦巷。石榴園巷。三橋街。芳潤橋。普寧巷。豐樂橋。忠孝巷。固寧巷。馬市巷。昇平巷。南班巷。二仙巷。興德橋。八仙巷。鑣作巷。成娘娘巷。花市巷。馬家營巷。甘泉坊。普濟橋。侍郎橋。軍將橋。油車巷。曲阜橋。洪福橋。鞞鼓橋。馬家橋。清風巷。清河街。癸辛街。清湖橋。出鳳山門慶豐橋。柳翠橋。海鮮橋。尊勝巷。梁家橋。諸

家街。馬倉巷。美政橋。洋洋橋。

候潮門。烏盆場巷。東花園。高陽閭巷。大營

巷。撫寧巷。獅子巷。福地巷。廣福巷。馬坡

巷。出候潮門嘉會橋。濟川橋。上輓路。期清巷。太

平坊。信義坊。利津橋。牛皮街。跨浦橋街。

渾水關。鐵箭巷。鐵幢浦。

望江門。竹竿巷。摠寧巷。武寧巷。保安巷。

下馬坡巷。演教寺巷。什物庫巷。板兒巷。馬

院巷。望仙橋。出望江門保安巷。真如巷。大通橋。

映江樓

清泰門。崇新巷。春熙橋。南場巷。春熙巷。

九曲巷。佑聖巷。義井巷。寧海巷。同德坊。

崇新巷。石板巷。熙春巷。豐禾巷。忠孝巷。清出

泰門。永慶寺。順濟宮。

慶春門。新開路。蒲塲巷。瓦子巷。菜市橋。

保信坊。舊城基。肅儀坊。福佑巷。會濟橋。

興忠巷。嘉新坊。延定巷。文東巷。花斗巷。

信善巷。東清巷。忠清里。安衆巷。醋坊巷。

卷八 城圍勝蹟

清波門。菜市頭巷。鐵冶嶺巷。聯桂坊。聖祖

巷。四條巷。關王廟巷。昇平巷。

湧金門。轉運橋。永安橋。惠仙橋。鑷子井。

友助巷。六房巷。

錢塘門。白龜池。黑亭子。井字樓。狹兒巷。

新營街。興慶坊。潘閩巷。顯忠廟巷。紀家橋。

。按察司。豐財坊。出錢塘門社稷壇。羣厲壇。東西

馬塍。羊角埂。

武林門。中正橋。萬歲亭。普寧坊。同德坊。興賢坊。報恩坊。觀橋。衆安橋。懷遠坊。安國坊。延定坊。保和坊。純禮坊。出武林門崇福橋。霍山坊。餘杭橋。新橋巷。半道紅。周公泉。枯樹灣。夾城巷。左家橋。米市橋。渙塘巷。草營巷。碧沼。歸錦橋。觀音橋。江漲橋。通市橋。北新橋。

艮山門。廣豐倉。廣積倉。淳祐橋巷。白洋池。出艮山門順濟聖妃廟。崇福寺。因果寺。

寶界寺。月地寺。撒沙護國夫人廟。

西湖志圖次

湖山一覽圖二頁

十景圖十頁

吳山圖一頁

浙江潮圖一頁

省城圖一頁

南宋京城圖一頁

國朝省城圖一頁



柳耆卿詠西湖望海潮詞

東南形勝三吳都會錢塘自古繁華煙柳
畫橋風簾翠幙參差十萬人家雲樹繞隄
沙怒濤卷霜雪天塹無涯市列珠璣戶盈
羅綺競豪奢重湖疊巘清佳有三秋桂
子十里荷花羌笛弄晴菱歌泛夜嬉嬉釣
叟蓮娃千騎擁高牙乘時聽簫鼓吟賞烟
霞異日圖將好景鳳池誇

蘇軾春曉



藕院春晴 楊周

柳暗花明春正好
重湖霧散水村杪
以盡黃鸝破曉烟
一弄啼


斷橋殘雪



斷橋殘雪南鄉子詞

雪覆畫闌橋銀背鯨鯢不動搖題
柱相如閒袖手無慘錯認梅花昨
夜飄步躡瓊瑤猶勝山僧立
到腰紅日漸高風漸暖旋消添作
春波送畫橈

馬洪



兩峰揮雪

兩峯挿雲

一支分峙兩峯高
 海圻江蟠立
 巨鰲得處千季鍾
 王氣登時百
 里見秋毫
 湖波足下低
 堪挹斗
 柄巖前近可
 搯夜靜有
 昔笙霍
 過繞空鐘梵
 禩儂瑛

張瀚


三潭甲月



三潭印月

塔邊分占宿湖船寶鑑開奩
水接天橫笛叫雲何處起
波心鷺賞老龍眠

五清



雷峰夕照

雷峰夕照 王濟

塔景初收日色昏
隔墻夕語近甘園
南岫游瀛芬歸路
半人錢塘半暗門



南屏晚鐘

南屏晚鐘
 重湖夜色已沉
 樓閣參差半夕陰
 南浦鐘聲
 和雨至滿川
 渙火出前
 林楊周

趣院風荷




麴院風荷

南鄉子詞

馬洪

麴院水風涼
 萬柄高荷掩鏡光
 露挹翠盤何所似
 瑤漿瀉下波心水
 亦香花底浴鴛鴦
 五月西湖錦繡鄉
 畫舫採蓮誰氏女
 紅妝唱得歌聲最惱腸

平湖秋月



夕湖林月

楊煥

尺山草闊林樾濛湖心月上開
 冲融微波滌漣水坐寂靜影蕩
 漾餘入宮瑤林灑氣漉嵐碧垂
 墻杭灑滌寒紅孤蕪短笛久塵
 裡南渡含鵲凌畏句

柳浪聞鶯




柳浪聞鶯

居浩

西子湖頭春色半
萬籟香杳
波紋染黃
綠
絲勻誰暗
換
後
游來繫
花
臨
賞
紅
喙
鴉
驚
啼
綠
一
款
叶
筆
黃
葉
被
風
吹
亂
惱
紫
簾
人
倚
鳳
管
背
花
倚
托
春
纖
掛

花港觀魚



竿港觀魚
楊周

麗日金波躍錦鱗
暖風吹

浪乍浮沉也
知吾樂非魚

樂不是濠梁
傲在

吳山圖




陳懿典登吳山有感詩
一望錢唐曙色開
萬家烟火傍深帝子
哀音嶺樓臺依日出海
門風雨帶潮回
登臨莫問興亡事
吳越還存土幾杯

浙江潮圖





陸永仲觀潮酌江月詞

遠山一帶遡晴空極目天涯浮白楓落鴉
翻談笑處不覺雲濤橫席酒病方蘇睡魔
猶殢一掃無留蹟吳帆越棹恍然飛上空
碧石長草記賦梁園凌雲筆勢倒三江秋
色對此驚心空悵望老作紅塵間客別浦
烟平小橋人散回首千波寂西風歸路為
君重噴霜笛



宋代京城圖





西湖志第一卷

錢唐田汝成輯撰

古吳姚靖增刪

湖隄勝蹟

西湖自斷橋西徑為十錦塘中為錦帶橋至望湖亭為孤山四賢堂范公祠敬一書院林處士墓放鶴亭瑪瑙坡俞公祠歲寒巖三賢祠二賢祠關帝祠陸宣公祠朱文公祠盧舍菴六一泉又西為西冷橋橋之對自南新路屬之北新路

者爲蘓公隄東曰裏湖西曰外湖裏湖西岸者
爲楊公隄登金沙灘爲履泰將軍廟關帝廟自
北新路第二橋入靈竺者爲趙公隄有寺在湖
中名湖心寺有亭名湖心亭

西湖故明聖湖也周繞三十里三面環山谿谷縷注
下有淵泉百道瀦而爲湖漢時金牛見湖中人言
明聖之瑞遂稱明聖湖以其介于錢唐也又稱錢
唐湖以其輪委于下湖也又稱上湖以其負郭而
西也故又稱西湖然自六朝以前史籍莫攷惟水

經有明聖之號而已逮乎中唐而經理漸著代宗
時李泌刺史杭州憫市民苦江水之鹵惡也開六
井鑿陰竇引湖水以灌之民賴其利長慶初白樂
天重修六井甃函筧以蓄洩湖水溉沿河之田其
自序云每減湖水一寸可溉田十五餘頃每一復
時可溉五十餘頃此州春多雨夏秋多旱若隄防
如法蓄洩及時卽瀕湖千餘頃無凶年矣吳越王
時湖葑蔓合乃置撩兵千人以芟草濬泉又引湖
水爲池曰湧金以入運河而城郭內外增建佛廬

者以百數蓋其時偏安一隅財力殷阜故興作自由宋初湖漸淤壅景德四年郡守王濟增置斗門以防潰溢而僧民規占者已去其半天禧中王欽若奏以西湖爲放生池禁民採捕自是湖葑益塞慶曆初郡守鄭戩復開濬之嘉祐間沈文通守郡作南井于美俗坊亦湖水之餘派也元祐五年蘓軾守郡上言杭州之有西湖如人之有眉目也自唐以來代有濬治國初廢置遂成膏腴熙寧中臣通判杭州葑合纔十二三到今十六七年又塞其

半更二十年則無西湖矣臣愚以爲西湖有不可廢者五自故相王欽若奏以西湖爲放生池每歲四月八日郡人數萬集湖上所活羽毛鱗介以百萬數爲陛下祈福若任其堙塞使蛟龍魚鼈同爲枯轍之鮒臣子視之亦何心哉此西湖不可廢者一也杭州故海地水泉鹹苦民居零落自李泌引湖水作六井然後民足取汲而生聚日繁今湖狹水慳六井漸壞若二十年後盡爲葑田則舉城復食鹽苦民將耗散此西湖不可廢者二也白居易

西湖志 卷之一
開湖記云蓄洩及時可溉田千頃今縱不及此數
而下湖數十里芟芟禾麥仰賴不貲此西湖不可
廢者三也西湖深廣則運河取藉于湖水若湖水
不足則必取藉于江潮潮之所經泥沙渾濁一石
五斗不出三歲輒調兵夫十餘萬開濬而舟行市
中蓋十餘里吏卒騷擾泥水狼藉爲居民大患此
西湖不可廢者四也天下官酒之盛未有如杭州
者也歲課二十餘萬緡水泉之用仰給于湖若湖
水不足則當勞人遠負山泉歲不下二十萬工此

西湖不可廢者五也今湖上葑田二十五萬餘丈
度用夫二十餘萬工近者蒙恩免上供額斛五十
餘萬石出糶常平亦數十萬石臣謹以聖意斟酌
其間增價中米減價出賣以濟飢民而增減折耗
之餘尚得錢米一萬餘石貫以此募民開湖可得
十萬工自四月二十八日開工蓋梅雨時行則葑
根易動父老縱觀以爲陛下旣捐利與民活此一
方而又以其餘興久廢無窮之利使數千人得食
其力以度凶年蓋有泣下者但錢米有限所募未

廣若來者不繼則前功復隳近蒙聖恩特賜本州
度牒一百道若更加百道便可濟事臣自去年開
濬茅山鹽橋兩河各十餘里以通江湖猶慮缺乏
宜引湖水以助之曲折闌闔之間便民汲取及以
餘力修還六井南井爲陛下敷福州民甚溥朝議
從之乃取葑泥積湖中南北徑十餘里爲長堤以
通行者募人種菱取息以備修湖之費自是西湖
大展至紹興建都生齒日富湖山表裏點飾駸繁
嗣後郡守湯鵬安撫周淙京尹趙與憲潛說友遯

加濬理而與憲復因湖水旱竭乃引天目山之水
自餘杭塘達溜水橋凡歷數堰桔槔運之仰注西
湖以灌城市其時君相淫佚荒恢復之謀論者皆
以西湖爲尤物破國比之西施云元憲宋轍廢而
不治兼政無綱紀任民規竊明初籍之遂起額稅
由是蘓堤以西盡爲阡陌至宣正間長民者稍稍
搜剔古蹟粉繪太平或倡濬湖之議憚更版籍竟
致寢閣嗣是都御史劉敷御史吳文元等咸有題
請而浮議蜂起有力者百計阻之成化十年郡守

吳濬稍闢外湖十七年御史謝秉中布政使劉璋
按察使楊繼宗等清理續占弘治十二年御史吳
一貫修築石閘漸有端緒正德三年郡守楊孟瑛
銳情恢拓力排羣議言于御史車梁僉事高江上
疏請之以爲西湖當開者五其畧曰杭州地脈發
自天目羣山飛翻駐于錢塘江湖夾抱之間山停
水聚元氣融結故堪輿之書有云勢來形止是爲
全氣形止氣蓄化生萬物又云外氣橫形內氣止
生故杭州爲人物之都會財賦之奧區而前賢建

立城郭南跨吳山北兜武林左帶長江右臨湖曲
所以全形勢而周脈絡鍾靈毓秀于其中者西湖
占塞則形勝破損生殖不繁杭城東北二隅皆鑿
濠塹南倚山嶺獨城西一隅瀕湖爲勢殆天塹也
是以湧金門不設月城實倚外險若西湖占塞則
滕徑綿連容奸資寇折衝禦侮之便何藉焉唐宋
以來城中之井皆藉湖水充之今其井甚多固不
全仰六井南井也然實湖水爲之本源陰相輪灌
若西湖占塞水脈不通則一城將復鹵飲矣况前

西海志 卷之一
賢興利以便民而臣等不能纂已成之業非爲政之體也五代以前江湖直入運河無復遮捍錢氏有國乃置龍山浙江兩閘啓閉以時故泥水不入宋初崩廢遂至淤壅挑濬頻年蘓軾重修堰閘阻截江湖不放入城而城中諸河專用湖水爲一郡官民之利若西湖占塞則運河枯澁所謂南柴北米官商往來上下阻滯而閭閻貿易苦于擔負之勞生計亦窘矣杭城西南山多田少穀米蔬藪之需全賴東北其上塘瀕河田地自仁和至海寧何

止千頃皆賴湖水以救亢旱若西湖占塞則上塘之民緩急無所仰賴矣此五者西湖有無利害明甚第壞舊有之業以傷民心怨讟將起而臣等不敢顧忌者以所利于民者甚大也部議報可乃以是年二月興工先是郡人通政何琮常繪西湖二圖并著其說故溫甫得以其槩上請蓋爲備一百五十二日爲夫六百七十萬爲直銀二萬三千六百七兩斤毀田蕩三千四百八十一畝除豁額糧九百三十餘石以廢寺及新懇田糧補之自是西

湖始復唐宋之舊又按郡志西湖故與江通今據
酈道元水經及駱賓王楊巨源二詩竊謂不然水
經云漸江出三天子都北過餘杭東入于海註云
漸江一名浙江出丹陽黟縣南蠻中東北流至錢
塘縣又東經靈隱山山下有錢唐故縣浙江經其
南縣側有明聖湖又東合臨平湖經槎瀆注于海
夫水經作于漢魏時已有明聖湖之號不得于唐
時復云湖與江通也水經又言始皇將遊會稽至
錢唐臨浙江不能渡乃道餘杭之西津後人因此

遂指大佛頭爲始皇纜船石以徵西湖通江之說
殊不知西津未必指西湖也至于駱賓王靈隱寺
詩有二樓觀滄海日門對浙江潮楊巨源詩有二
曾過靈隱江邊寺獨宿東樓看海門與水經所稱
浙江東經靈隱山相合而西湖通江之說泥而不
解夫巨源與樂天同時使泥其詩以爲江湖必經
靈隱山以通西湖也則明聖之號不當豫立于漢
魏時而樂天經理西湖時未聞有江湖侵啗之患
况自靈隱山而南重岡複嶺隔截江滸者一十餘

里何緣越度以入西湖哉要之漢唐之交杭州城市未廣東北兩隅皆爲斥鹵江水所經故今闡闡之中猶爲洋壩前洋後洋之稱所謂合臨平湖經槎瀆以入于海者理或有之若西湖則自古不與江通也乃今江旣不經臨平繞越州而東注靈隱之南吳山之北斥鹵之地皆成民居而古蹟益不可考矣儲光羲游湖上詩竹吹留歌扇蓮香入舞衣前溪多曲渚乘興莫先歸許渾前題詩前山風雨涼歌馬繫垂楊何處芙蓉落蒲渠秋水香白樂

天餘杭形勝詩餘杭形勝四方無州傍青山縣枕湖繞郭荷花三十里拂城松樹幾千株夢兒亭占傳名謝教妓樓新道姓蘓獨有使君年老大風流不稱白髭鬚又湖上春行詩孤山寺北賈亭西水面初平雲脚低幾處早鶯爭暖谷誰家新燕啄春泥亂花漸欲迷人眼淺草猶能沒馬蹄最愛湖東行不足綠楊陰裏白沙隄又春題湖上詩湖上春行似畫圖亂峯圍繞水平鋪松排山面千重翠月照波心一粒珠碧毯綠頭抽早麥青羅裙帶展新

西湖志 卷之一
蒲未能拋得杭州去一半勾留在此湖又湖上醉
中寄嚴郎中詩笙歌杯酒正歡娛忽意仙郎望帝
都借問連宵直南省何如盡日醉西湖蛾眉別久
心知否鷄舌含多口厭無還有些些惆悵事春來
山路見薜蘿又湖上招客送春泛舟詩欲送殘春
招酒伴客中誰最解風情兩瓶閣下新求得一曲
霓裳初教成排比管絃行翠袖指麾舫舫點紅旌
漫牽好向湖心去恰似菱花鏡裏行又湖上夜飲
詩郭外迎人月湖邊醒酒風誰留使君飲紅燭在

舟中又留別西湖詩征途行色慘風烟祖帳離聲
咽管絃翠黛不須留五馬皇恩只許住三年絲藤
陰下鋪歌席紅藕歌中泊妓船處處回頭盡堪戀
就中難別是湖邊又送姚杭州赴任因思舊游詩
二首其一與君細說杭州事爲我留心莫等閒
閑里固宜勤撫恤樓臺亦要數躋攀笙歌縹緲虛空
裏風月依稀夢想間且喜詩人重官領遙飛一盞
賀江山其二渺渺錢塘路幾千想君到後事依然
靜逢竺寺猿偷橋閒看蕙家女採蓮故妓數人憑

問訊新詩兩首倩流傳舍人雖健無多興老校當時八九年王平甫西湖春日詩爭得才如杜牧之試來湖上輒題詩春州寺院敲茶鼓夕照樓臺卓酒旗濃吐雜芳薰巘嶸濕飛雙翠被漣漪人問幸有簑兼笠且上漁舟作釣師梅聖俞西湖泛舟詩冰消湖已綠渺渺鴨頭春船學吳兒刺吟希楚老新對山憐去鳥隔樹認遊人誰念滄江上風柔採白蘋歐陽修西湖戲示同游者詩菡萏香消畫舸浮使君寧復憶揚州都將二十四橋月換得西湖

十頃秋林和靖西湖晚歸詩水痕秋落蟹螯肥閒過黃公酒舍歸魚覺船行沉草岸犬聞人語出柴扉蒼山半帶寒雲重丹葉疎分夕照微却憶清溪謝太傅當時未解惜簑衣陳節菴寒食湖上詩花瘦水肥三月天畫橈雙動木蘭船人家盡換新榆火惟有垂楊帶舊州陳襄和東坡京口憶西湖寒食出遊詩春陰漠漠燕飛飛可惜春光與子迷半嶺烟霞紅旆出清湖風月畫船歸緌笙一去人何在遼鶴重來事已非猶憶去年臨別處烏啼花落

淚沾衣趙抃陪趙太師遊西湖簡坐客詩絲管喧
喧擁畫船澄瀾上下照紅蓮一樽各盡十分酒四
老共成三百年北闕音書休憶念西湖風物且留
連杭民夾道焚香看白髮朱顏長壽仙范成大會
客湖上詩西湖冰泮綠生鱗料峭春風欲中人花
片不經寒食雨柳絲還帶湧金春江山契濶詩情
在京洛追隨客夢新喚取歌聲作愁思爲君吹水
引杯頻楊廷秀詩蘓公隄遠柳生烟和靖園深竹
映關船入芰荷香處去人從雲水窟中還似寒如

暖清和在欲雨翻晴頃刻間能爲蓬萊老仙伯一
杯痛飲吸湖山賈似道詩半是樓臺換却春幾回
獨立幾消菟斷隄野水梅花宅千古春風一月痕
趙孟頫詩春陰柳絮不能飛雨足蒲芽綠更肥只
恐前呵驚白鷺獨騎欵段遶湖歸張昱西湖十律
詩其一樓外湖光白渺茫樓中少婦試新粧行年
將近半百歲大醉豈能千萬場翠織舞裙飛蛺蝶
白描歌扇睡鴛鴦垂楊滿院無人到芍藥花開日
正長其二且觀神女爲行雨莫問郎官應列星芳

草到門無俗駕好山終日在湖亭白鷗共戲荷葉
小黃鳥亂啼楊柳青青信曲欄干外立晚涼吹得
酒多醒其三畫船湖上載春行日日花香扇底生
蘓小樓前看洗馬水仙祠下坐聞鶯碧桃紅杏渾
相識紫燕黃蜂俱有情惆悵繁華成逝水盡歸江
海作潮聲其四倩得名姬唱慢歌梁塵欲進下輕
波西風八月菱荷老落日滿湖鳧雁多到手莫辭
雙盞飲轉頭又是一年過光陰只在槐柯上奈此
浮生樂事何其五百鎰黃金一笑輕少年買得是

狂名樽中酒釀湖波綠席上人傳鳳語清蛺蝶盡
羅宮樣扇珊瑚小柱教坊箏南朝舊俗憐輕薄每
到梅花別有情其六湖上新泥雪漸融門前溝水
暗相通裙欺萱草輕盈絲粉學櫻桃淺淡紅暮雨
欲來銀燭上春寒猶在酒尊空青綾被薄不成夢
又是一番花信風其七樓前芳樹碧盈盈付與幽
禽自在鳴堤上馬馱紅粉過湖中人載酒船行日
長燕子語偏好風暖楊花體更輕何恨才情被花
惱獨教書記得狂名其八此日誰人肯在家傾城

西湖志 卷之一
滿意事繁華時非上巳不爲節春到牡丹纔是花
霧髻雲鬟湖上女畫輪綉轂道傍車兒童盡唱銅
鞮曲未覺人間日易斜其九外湖裏湖花正開風
情滿意看花來自銀大瓮貯名酒翠羽小姬歌落
梅身外功名直土苴古來賢聖盡塵埃韶光如此
不一醉百歲好懷能幾回其十玉局當年爲寫春
西施宜笑復宜顰朝雲暮雨空前夢桃葉柳枝如
故人露電光陰千仞外魚龍波浪一番新傷心最
是逋仙宅半畝殘梅共晚春鍾禧詩萬頃西湖水

貼天芙蓉楊柳亂秋烟湖邊爲問山多少每個峯
頭住一年聶大年西湖十景詩蘓堤春曉樹烟花
霧繞隄沙樓閣朦朧一半遮三竺鐘聲催落月六
橋柳色帶棲鴉綠窗睡覺聞啼鳥綺閣粧殘喚賣
花遙望酒旗何處是炊烟起處有人家柳浪聞鶯
雨後翻空一派青蘓公隄畔繫魚舫只藏鶯鳥春
聲滑不起魚龍夜氣腥游子愛聞停玉勒佳人倦
聽倚銀屏待看三月歌喉老又見浮波絮作萍花
港觀魚湖上春來水拍空桃花浪暖柳陰濃微翻

西海志 卷之一
若帶彩千尺亂躍萍星翠幾重州渚此時多避鷺
風雲何日去爲龍個中縱有濠梁樂濶網深曾不
汝容兩峯插雲屹立亭亭入杳冥勢雄南北氣憑
陵玉簪拔地三千仞寶蓋撐空七層天遠不聞
風外鐸夜深遙禮月邊燈何當一掃浮雲靜俯視
東溟看日升三潭印月纖雲掃跡浪花收塔影亭
亭引碧流半夜冰輪初出海一湖金水欲浴秋龍
宮獻碧神光吐鮫室遺珠瑞氣浮浪說影娥池上
景不知此地有仙舟麴院風荷翠圍紅繞戰縱橫

似看吳宮習女兵飛雪翻空雲影亂游魚吹浪水
紋生錦裳零落香猶在銅柱欹斜露半傾兩腋新
涼驚酒醒畫船吹送按歌聲平湖秋月曾向湖隄
夜叩舷愛看波影弄嬋娟一塵不動天連水萬籟
無聲客在船赤壁未醒玄鶴夢驪宮偏惱老龍眠
朗吟玉塔微瀾句長笑凌空氣皓然南屏晚鐘柳
昏花暝暮雲生隱隱初傳一兩聲禪榻屢驚僧入
定旅窗偏惱客含情月隨逸韻入鰲嶺風遞遺音
過鳳城催散遊人罷歌舞玉壺銀箭夜初更雷峯

夕照宜雨宜晴晚更宜西湖端可北西施霞穿樓
閣紅光繞雲捲笙歌逸韻隨山紫翠中樵唱遠樹
蒼黃外馬歸遲何人解畫瀟湘景併與漁村作二
奇斷橋殘雪醉裏曾登白玉梯東風吹暖又成泥
玉腰蟠螭垂天濶銀色樓臺夾岸迷九井晴添新
水活兩峯濃壓宿雲低衝寒爲問梅花信十里銀
沙印馬蹄又同陳緝熙泛湖詩宿雨初收見兩峯
湖光如練瀉晴空畫船載酒來天上青鳥銜花度
鏡中檀板歌聲無越女翰林詩句有唐風相逢莫

惜留連飲明日誰人拾落紅又西湖詩西出江城
外烟霞隔世塵鐘聲三竺曉花氣六橋春鷄犬桃
源地笙歌闐苑賓時來得遊賞忘却宦中身仇遠
湖上值雨詩波痕新綠草新青有約尋芳苦不晴
莎徑泥深雙燕濕柳橋烟淡一鶯鳴山圍故苑春
常鎖泉落低畦暖未耕十載舊踪時入夢畫船多
處看傾城又同段吉甫泛湖詩西湖春碧淨無泥
畫舫朱簾傍斫移寒食清明初過後杏花楊柳乍
晴時從教西日催歌鼓莫放東風轉酒旗只恐明

朝成雨去暗驚濃綠上高枝又同陳彥國泛湖詩
斜隄高柳綠連天且繫閒人書畫船花事已空三
月後湖光還似百年前洛陽園囿惟詩在江左英
雄托酒傳亦欲扣舷歌小海恐驚沙上白鷗眠又
陪戴祖禹泛湖分韻得天字詩冉冉夕陽紅隔雨
悠悠野水碧連天山分秋色歸紅葉風約蘋香入
畫船鐘鼓園林已如此衣冠文物故依然當歌對
酒腸堪斷倒着烏巾且醉眠又和胡希聖湖上詩
曾識清明上巳時懶隨蜂蝶步芳菲梨花半落雨

初歇杜宇不鳴春自歸雙塚年深人祭少孤山日
晚客來稀江南尚有餘寒在莫倚東風褪絮衣又
詩連作湖山五日遊沙鷗慣識木蘭舟清明寒食
荒城晚燕子梨花細雨愁賜火恩榮皆舊夢禁烟
風景似初秋鳳絲龍竹繁華意猶爲西林落日留
劉泰春日湖上詩四首其一浴鵲灣頭盪槳過雨
聲昨夜漲湖波落梅天氣寒偏隋未許春衣試薄
羅其二步逐東風踏軟沙背人驚鷺去斜斜兩枝
紅杏疎籬外知是湖村晝酒家其三小鬟扶處醉

曹騰落日寒生半臂綾燕子不來春尚淺湖陰留
得未消冰其四櫻桃花發向陽枝便覺韶光暗有
期明日重來應爛熳雙棋斗酒聽黃鸝又春日同
項宗彝蔣文偉賦詩湖上韶光似酒濃踏花重覓
舊遊蹤東風知我看真景輕約春雲過兩峯又與
客西湖行樂詩西湖山水名天下有客乘春作勝
游白騎踏花銀絡腦青娥舞雪錦纏頭幡幢影裏
高低寺絃管聲中遠近樓如此風光莫虛度人生
只合老杭州又春日與客湖上詩西子湖頭風日

佳春衣初試踏晴沙長隄畫舫依楊柳小店青旗
颭杏花咲裏握鬪機變化狂邊題句字欹斜晚來
不盡登臨興一路鶯聲送到家又泛湖值雨簡費
廷用詩濕雲遮斷好峯巒斗酒呼來且盡歡養鴨
人家春水滿落梅天氣午風寒君醒陡覺衣裳薄
我醉寧知宇宙寬閒卻銀箏多少曲紅樓船上幾
時彈又宴集次費宗裕詩湧金門外新亭好得共
羣賢盡日娛白藕褪花秋欲近綠筠交葉暑全無
衣浮爽氣龍收雨鏡破澄光鷺點湖回首鳳城扶

醉入漏聲催晚急銅壺又湖曲行春次沈用賓詩
巾子峯頭葛嶺西盤廻白石淨無泥鶯吭暖送春
聲滑鷺翅晴翻雪影低紅瘦巖花飄滿路綠肥湖
水受諸溪大家留取金錢百擬約明朝酒再攜又
雪中登樓望湖上諸山十絕句之四其二曉來冰
柱結簷牙籬外踈梅破一花鐵柱自挑黃燭火苦
吟誰識老劉又其五登樓四望白模糊直北天高
是帝都想得征西貔虎士玉門關外破匈奴其七
白戰詩成研已冰案頭飢鼠亂窺燈支離瘦影踟

趺坐好是人間戴髮僧其八隨風襍霰落蕭騷破
屋難禁一尺高翻憶少年歌舞夢美人金琰進羊
羔張輿秋日湖中詩風波千頃畫船開吹送芙蓉
影裏來倒捲綠霞翻舞袖斜飛白雨溢行杯總宜
園冷花無主蘓小墳空草作堆爲倩金戈揮落日
秋聲莫向樹頭催又分韻得香字詩晴麓雲橫萬
里長出門步步是春光近湖酒閣多紅杏隔岸漁
家盡綠楊簫鼓聲寒心自醉綺羅竟冷骨猶香漫
游不是矜年少贏得閒情似洛陽朱夢炎西湖詩

萬戶烟消一鏡空水光山色畫圖中瑤樓燕子家
家雨錦浪桃花岸岸風畫舫舞衣凝暮紫綉簾歌
扇露春紅蘓公隄上垂楊柳尚想重來試玉驄岑
玓錢唐偶成詩畫舫行春醉欲迷湖光好在古城
西不知悞國人何在楊柳東風鳥自啼俞行之西
湖詩秋來碧水湛平湖荷葉菱花取次枯惟有斷
橋殘柳樹淡烟猶鎖亂啼鳥方虛谷湖隄雨中夜
歸詩夜雨昏昏欲雪天數家燈火北山前鄉心認
作桑麻路忽有湖船奏管絃徐秋雲西湖詩涼洗

冰壺壓兩峯鏡鸞無地覓鷺鴻芙蓉池館鴛鴦雨
楊柳樓臺燕子風玉筵度雲聽似夢畫圖浮水望
如空斗牛已屬乘槎客何處凌波第一宮陸孟昭
初夏游西湖諸山次韻詩山寺迢迢湖水東樓臺
高出翠微中自慚投社非陶令却羨能詩有遠公
花氣暖浮千嶂雨松聲涼灑一欄風穿林怪底多
麋鹿十里平波碧草豐張傑西湖詩誰爲鴻濛鑿
此陂湧金門外卽瑤池平沙水月三千頃畫舫笙
歌十二時今古有詩難絕唱乾坤無地可爭奇溶

溶漾漾年年綠銷盡黃金總不知彭夢祖湖上進
艇詩西湖風日好進艇傍岩堯松霧迷三竺花陰
覆六橋綺筵山色映歌管歲華消欲問前朝事錢
唐去去潮劉英暮春陪陳太常西湖宴集詩六橋
柳色翠迷津畫舫移遲送酒頻醉眼不知三月暮
賞心又度一年春鶯借急管催歌板燕蹴輕花墮
舞裯年少莫將行樂悞座中半是白頭人又同客
過湖詩山繞重湖寺繞山天留圖畫在人寰路從
烏柏林邊轉船近黃妃塔下灣歲月祇從華髮改

烟波空付白鷗閒當歌不耐傳觴促獨倚寒沙照
醉顏又載酒過湖二首其一寒食清明次第來紫
苞紅萼寒池臺東風似與人商畧最好花教最後
開其二船頭斗酒配雙柑坐聽黃鸝漱晚酣湖上
有山山有寺人生只合老江南又與吳西疇西湖
飲別詩有約來登湖上亭一天詩思集疎櫺東風
草色鷗邊綠落日山光鳥外青紅袖舞來花欲笑
銀罌倒盡客忘形抱琴行樂吾儕事莫待蕭蕭兩
鬢星薩天錫西湖六絕句其一湧金門外上湖船

西泠志 卷之一
一 狂客風流憶往年十八女兒搖艇子隔船笑擲買
花錢其二少年豪飲醉忘歸不覺湖船旋旋移水
面夜涼銀燭小越娘低唱月生眉其三紫騮驕踏
落花泥二月江城雨過時拂曉市河春水滿小船
多半載吳姬其四惜春曾向湖船宿酒渴吳姬夜
破橙蔞聽郎君呼小字轉頭含笑背銀燈其五待
得郎君半醉時笑將紈扇索題詩小紅簾捲春波
綠渡水楊花落硯池其六垂柳陰陰蘓小家滿湖
飛燕趁楊花繁華一去風流減今日橫隄幾樹鴉

僧來復西湖六絕句其一芙蓉灣口綠陰斜吹笛

何人隔綵霞驚起沙頭雙翠羽銜魚飛上刺桐花

其二流觴亭子鳳山阿都護行春小隊過笑擲金
錢花底醉玉箏彈出白翎歌其三寶網金幢變劫

灰矍曇寺裏盡蒿萊鳥窠無樹山夔泣不見談禪

太傳來其四雨後湖隄樹色寒杏花風颺酒旗竿

紅船載月無絲竹野水疎籬正好看其五蜃氣初

消海日升隔江山色是西陵潮生潮落無今古似

與人間說廢興其六西泠橋下水生烟屬玉飛來

上釣船荒盡梅花三百樹孤山何處訪逋仙高啟
西湖夏夜觀荷詩雨晴南浦錦雲稠晚待湖平蕩
槳遊狂客興多惟載酒小娃歌遠不驚鷗半湖月
色偏宜夜十里荷香已欲秋爲愛前沙好涼景滿
身風露未回舟孫一元秋夜湖上詩一望晴烟破
暝幽湖天灑灑月初浮旋攜斗酒呼隣父小有盤
蔬上釣舟笛咽水龍中夜冷杯搖湖影萬山秋人
間回首悲何事欲覽清光最上頭又詩十里蒹葭
雨盡收西湖一望月光浮野袍白幘同幽事孤影

蓮房作好秋波靜龜龍聽醉語夜涼河漢帶漁舟
高情盡在形骸外不用逢人好勝遊夏與誠偕全
息耘湖上暮歸詩滾滾楊花兩岸飛杖藜殊勝玉
鞭揮殘山剩水年年在舞榭歌樓處處非聲斷鷓
鴒懷舊恨情隨蝴蝶上春衣前朝公子頭如雪猶
說當年緩緩歸按息耘宋時全后之裔也宋琬湖
上詩二首其一山色南屏好空濛半有無曲塘容
舴艋衰柳臥鷓鴣雲起千峯亂天晴一塔孤興來
思遠眺羗笛滿西湖其二生趣飄搖盡天涯涕淚

侵寒鷗分曉夢荒草蔓歸心散髮晞桐露移書就
竹陰楊梅微雨後攀摘到幽林曹爾堪清明後一
日同人汎雨湖上詩燕尾波分畫槳迴賦心此夜
共鄒枚花前鸚鵡梳殘雨水面儵魚躍早雷無恙
玉人歌宛轉多情金馬客徘徊春流渾似葡萄絲
挽向清尊潑舊醅又上巳前一日集同人湖上詩
祓除已近尋春會新水盈堦花滿溪燭影漸生遊
舫外粉香長傍酒壚西青鞵風雨期無準白氍毹
寒候不齊公子能文偏愛客坐中鸚鵡問誰題張

右民春日湖上詩門前初下七香車道上新乘白
鼻鬪畫舫輕波紅幔捲丹樓疊翠綉簾遮鳥依晴
日啼深樹人坐春風數落花去去不知歸路遠那
堪芳草夕陽斜于國寶風入松詞一春常費買
花錢日日醉湖邊玉驄慣識西湖路驕嘶過沽酒
樓前紅杏香中簫鼓綠楊影裏鞦韆 暖風十里
麗人天花壓鬢雲偏畫船載得春歸去餘情付湖
水湖烟明日重扶殘醉來尋陌上花錕康伯可西
湖長相思詞南高峯北高峯一片湖光烟靄中春

來愁殺儂 郎意濃妾意濃油壁車輕郎馬驄相
逢九里松瞿佑西湖蒲庭芳詞露葦催黃烟蒲注
綠水光山色相連紅衣落盡辜負採蓮船點檢六
橋楊柳但幾個抱葉寒蟬秋容晚雲寒雁背風冷
鷺鷥肩 華筵容易散愁添酒量病減詩顛况情
懷冷淡漸入中年掃退舞裙歌扇盡付與一枕高
眠清閒好脫巾露髮仰而看青天梁曾西湖送春
木蘭花慢詞問花花不語爲誰落爲誰開算春色
三分半隨流水半入塵埃人生能幾歡笑但相逢

尊酒莫相推千古幕天席地一春翠繞珠圍彩
雲回首暗高臺烟樹渺拚一醉留春留春不住醉
裏春歸西樓半簾斜日恠銜春燕子却飛來一枕
青樓好夢又教風雨驚回莫璠西湖十景蝶戀花
詞蘓隄春曉十里樓臺花霧繞宜雨宜晴山色籠
春曉楊柳梢頭殘月小海棠枝上猶眠鳥 蘭帳
玉人初睡覺試問樓前畫舫開多少報道尋芳人
起早紫騮嘶過香塵道段橋殘雪快雪時晴寒尚
互玉屑銀沙紛滿西湖路一道垂虹如約素裙腰

草色非前度 斷玦遺環愁日暮想像凌波羅襪
應難步欲探梅花無處所山童指點逋仙墓花港
觀魚杜若浮香春霽雨浪暖桃花錦帳鴛鴦渚碧
藻叢深菱葉底纖鱗吹沫搖朱尾 戲把金鈎垂
綠水却憶雕闌翠袖人同倚腸斷蕭娘書一紙相
思欲報憑雙鯉柳浪聞鶯西子湖頭春過半萬縷
垂楊洵似波紋亂黃褪綠勻誰暗換俊遊來繫花
驄慣 紅喙嬌鶯啼緩緩韻叶笙簧幾被風吹斷
惱亂佳人停鳳管背花偷把春纖按麴院風荷五

月涼風來麴院綠水芙蓉紅白都開遍風遞花香
清不斷採蓮舟過歌聲緩 醉折碧筒供笑翫翠
蓋紅綃高下翻零亂向晚清涼醒酒面六銖衣薄
停紈扇平湖秋月缺三潭映月秋靜寒潭澄見底
玉色蟾蜍飛入清冷水睡熟驪龍呼不起領珠光
照冰壺裏 宴賞此時能有幾遙憶同歡今夜人
千里試問龍淵深幾許騎鯨欲共姮娥語兩峯插
雲南北峯頭雲氣繞玉屑芙蓉迥出青天表金碧
浮圖瞻縹緲朱甍綉檻臨黃道 下界紅塵飛不

西漢志 卷之二
到東望彤庭日出扶桑曉願借謫仙希有鳥瑤笙
和上蓬萊島雷峯夕照古塔斜陽紅欲暝西崦人
家半在桑榆景水映殘霞如濯錦烟籠佛國非凡
境十里畫船歸欲盡漁唱菱歌別有湖中景待
月有人樓上等珠簾半捲闌重凭南屏晚鐘翠巘
深深深深幾許佛閣華鐘鯨吼西風裏回首南莊行
樂地暝烟隔斷青蓮宇宴飲芳園人散去金鑰
嚴城次第催將閉一望長橋燈火起絳紗影裏聯
歸騎楊維禎西湖竹枝詞十首之一其二鹿頭湖

船唱赧郎船頭不宿野鴛鴦爲郎歌舞爲郎死不

惜真珠成斗量其三家住西湖新婦磯勸郎不唱

縷金衣琵琶原是韓朋木彈出鴛鴦一處飛楊載

和詞其一西子湖邊楊柳花隨風飄泊到天涯青

春遇着歸來燕銜入當年王謝家其二一種腰肢

分外妍雙眉畫出月娟娟春風吹破襄王夢行雨

行雲若個邊薩天錫和詞湖上美人彈玉箏小鶯

飛度綠窗櫺沈郎雖病多情在倦倚屏山不厭聽

鄭明德和詞岳王墳西是妾家望郎不見見棲鴉

孤山若有奢華日不種梅花種杏花張伯雨和詞
光堯內禪罷言兵幾翻御舟湖上行東京隣舍宋
大嫂就船猶得進魚羹字文子貞和詞藕小門前
騎馬過相逢白髮老宮娥自言記得前朝事只說
當年賈八哥黃公望和詞水仙祠前湖水深岳王
墳上有猿吟湖邊女子唱歌去月落蒼波無處尋
唐棣和詞門前楊柳亂吹花第一橋頭第一家馬
上郎君休挾彈柳枝深處有慈鴉陳子平和詞樓
下攤錢還上樓花前夜醉曉扶頭不知命犯何星

宿一日猖狂百日愁楊謹思和詞其一
大船槌鼓銀酒缸小船吹笛紅繡牕鴛鴦觸擢忽驚散荷花
深處又成雙其二燕子來春雁來秋曾見錢王衣
錦遊英雄漫說八百里只管東西十四州其三
獅子峯頭插將旗鳳皇山下草離離三宮去後宮門
閉恰似錢王納土時歐陽彥珍和詞第一橋邊第
一家瓜皮船子送琵琶妾身自是良家女不是當
年藕小家倪元鎮和詞愁水愁風人不歸昨夜水
沒釣魚磯踏盡蓮根終無藕着多柳絮不成衣高

敬臣和詞第四橋頭第一灣看魚直上玉泉山大
魚已逐龍飛去留得當時舊賜環于彥成和詞楊
柳樹頭雙鶉鴣雨來逐婦晴來呼鴛鴦到死不相
背雙飛日日在西湖錢惟善和詞阿姊住近段家
橋山妬蛾眉柳妬腰東山井頭黑雲起早回家去
怕風潮顧進道和詞其一楊白花開風滿天花開
成絮不成綿不如落向西湖水化作浮萍個個圓
其二郎子別時秋月明說道歸時春水生曉起門
前聽過馬馬嘶都是别人行韋德圭和詞湖中艇

子風徐徐秋水蕩漾金芙蓉釣魚不是貪雙鯉爲
恐腹中藏素書張翔南和詞南高北高峰頂齊錢
唐江水隔湖西不到潮頭到湖口郎船今夜泊西
溪張希顏和詞孤山脚下路三叉孤山墓上好梅
花不是馬勝桃李樹隨春俱送到人家朱伯常和
詞小姑疑郎去不歸爲郎打瓦復鑽龜青山尚有
飛來日不信人無相見時完蘭石和詞其一花滿
蘓堤酒滿壺畫船日日醉西湖阿儂最苦兩離別
不唱黃鸝唱鷓鴣其二隄邊三月柳陰陰湖上春

西湖志 卷之一
光似海深游人來往多如蟻半是南音半北音徐
延徽和詞盡說西湖好莫愁不知天上有牽牛贖
拚萬斛胭脂水瀉向銀河一色秋沈自誠和詞儂
住西湖日日愁郎船只在浙江頭憑誰移得湖山
去湖水江湖一處流李守道和詞春暉堂上挽郎
衣別郎問郎何日歸黃金臺高倘回首南高峯頂
白雲飛士女曹妙清和詞美人絕似董嬌嬈家住
南山第一橋不肯隨人過湖去月明夜夜自吹簫
又張妙淨和詞憶把明珠買妾時妾起梳頭郎盡

眉郎今何處妾獨住怕見花間雙蝶飛瞿佑和錢
思復西湖竹枝詞十首之二其二昨夜相逢第一
橋自將羅帶繫郎腰願郎得似長江水日日如期
兩度潮其二裏湖外湖波渺茫兩岸人家多種桑
採葉不怕霧路濕惟願朝朝逢着郎姚公綬西湖
春曉歌湖水湖烟濃淡裏曙光遙逐春風起不知
山有幾千峯樹色相連又幾重橋通四百八十寺
一一相間青芙蓉樓船猶未載簫鼓日高處處添
歌舞徐林鴻湖上行年去年來駒過隙那連火照

江波赤盡呼雲鳥陣前軍來住西湖塘上宅歷代
松楸推作薪六街門巷空成積水田漠漠長見葵
野館垂垂搖燕麥浩劫空餘鷲嶺鐘怒濤莫挽鮫
門汝百年世事總蕭條留與荆榛蔓陳跡轉盼韶
光又幾秋登臨惆悵感前遊戈船別隸將軍幕紅
粉初移少婦樓趙瑟秦箏翻漢曲吳歛楚些雜邊
愁銀蹄馬噴真珠勒玉爪鷹蹲錯彩鞵昔去詞人
揮塵尾今來壯士着貂裘西冷橋畔青驄路拓盡
圍場屬錦州昇平此日開樽俎稍續前朝舊歌舞

飛絮飛花踏豔陽盈盈步出良家女良家女兒矜
結束不鬪鉛華鬪行伍繡領新裝花鬢雲龍肩細
吐胭脂兩手輪珀串膩於丸耳墮曠珠徑寸許彈
得琵琶三兩聲笑撥鴟弦學番語誰家小隊逞朱
顏指點芳林夕照間皓齒明眸嬌莫比風寒袖薄
下前山翠苔步窄剛三寸寶扇眉舒乍一彎欲整
金鈿嫌釧重畧鬆錦帶露裙班蝶尋蘭鬢香難採
竹曳仙裙佩可攀若較風流難比似鷓鴣鴻鴈爭
迴環附虞集題于國寶風入松詞後詩重扶殘醉

西湖上不見春風見画船頭自故人無在者斷橋
楊柳舞青烟自斑湖居集興詩八首其一御舟初
出賞春菲傳是諸王與后妃香霧漸深簾幕暗日
斜惟見淡黃衣其二脈脈吹香屋角梅背風移燭
小簾開鳳城幾日元宵近一片簫聲水上來其三
龍舟曉發斷橋西別有輕舟兩兩隨春色可人晴
較穩酒家爭出柳稍旗其四相國平泉水竹居吳
山花石世間無遊人馬上休回首一半春風在裏
湖其五雨後林深夏亦秋一葫蘆酒在船頭醉來

深入荷花去臥看青天飛白鷗其六三賢猶得仰
高風冠服雖殊氣味同後五百年無繼者楊花含
笑夕陽中其七車風人散水風腥雨色涼分柳外
晴回首夕陽多落盡忽然東向數峯明其八萬樹
芙蓉兩蕊宮秋風開遍水邊叢白墻遮盡紅墻出
只見紅墻一半紅戴表元贈湖上歌者詩牡丹紅
紫艷陽天檀板朱絲錦色箋頭白江南一尊酒無
人知是李龜年石應奎題蓉者遊湖詩山色花明
眼底無因兒扶杖過西湖暗思堤上風光好消受

香風酒一壺錢謙益畱題湖舫詩湖上隄邊艤棹
時菱花鏡裏去遲遲分將小艇迎桃葉徧採新歌
譜竹枝楊柳風流烟草在杜鵑春盡夕陽知憑欄
莫漫多回首水色山光自古悲湯右曾湖上雜咏
四絕句其一放船已過賈亭西一帶丰茸草沒隄
忽聽危樓動殘角斷橋回首便淒迷其二舞裙歌
板小嬋娟詞客偏于別恨牽蘇小小家春在否幾
株楊柳認門前三疎星幾點漸窺檐天際空濛
水欲黏待遣老龍吹鐵笛催將雲海上金蟾其四

似此歡游未偶然風埃塵勃動經年明朝人事侵
尋去媿與心靈續後緣李更生湖上雜咏詩春雨
春風客思哀遶隄不見一花開如何西子湖頭水
日日邊兒牧馬來又詩一燈禪榻病維摩二月春
寒夢思多記得杏花墻角畔怪他山雨濕裙拖○
西湖競渡宋時自二月八日爲始而端午尤盛今
惟端陽五日有之吳子和喜遷鶯詞梅霖初歇正
絳色海榴爭開佳節角黍包金香蒲切玉是處玳
筵羅列鬪巧盡輸年少玉腕絲絲雙結艤畫舫見

龍舟兩兩波心齊發 奇絕難畫處激起浪花翻
作湖間雪畫鼓轟雷紅旗掣電奔罷錦標方徹望
中水天日暮猶是珠簾高揭歸棹晚載荷香十里
一鈎新月徐寅午日競渡詩踈雨輕烟乍有無笙
歌雜踏繞平湖幕聯繡幟雲移棹聲泣花羸淚滿
枹隔岸石榴迷野綠近隄楊柳傍飛鳧盤分角黍
蒲分妓把酒離騷興不孤○又宋時自過收燈貴
宦巨室皆爭先出郊謂之探春至禁烟爲最盛龍
舟十餘綵旗疊鼓交午曼衍粲如錦織都人士兩

隄駢集幾無置足至薄暮始漸散去絳紗籠燭車
馬爭門日以爲常張武詩云帖帖平湖印晚天踏
歌遊賞錦相牽都城半掩人爭路猶有胡琴落後
船○又七月十五日爲中元節俗傳地官赦罪之
辰放燈西湖及塔上湖中僧舍隄上爭建盂蘭盆
會攝孤判斛鐘聲佛號中間以笙歌湖船達旦不
息張伯雨西湖放燈詩云共泛蘭舟燈火鬧不知
風露濕青冥如今池底休鋪錦此夕槎頭直挂星
爛若金蓮分夜炬空于雲母隔秋屏却憐牛渚清

狂甚苦欲燃犀走百靈○又八月十五日謂之中
秋人家多有賞月之燕或有携榼湖船沿遊徹曉
蘓隄之上聯袂踏歌無異白日此外花朝月夕遊
者雖夥然惟端陽中元中秋三節爲最盛故特舉
之以紀勝事亦以寓風俗之好尚如此云

斷橋本名寶祐橋自唐時呼爲斷橋張祐詩云斷橋
荒蘚合是也豈以孤山之路至此而斷故名之歟
元時錢惟善竹枝詞有段家橋之名聞者哂爲杜
撰然楊薩諸詩往往亦稱段橋似未可謂無証也

姑兩存之白樂天詩望海樓明照曙霞護江隄白
蹋晴沙濤聲夜入伍員廟柳色春藏蘓小家紅袖
織綾誇柿蒂青旗沽酒趁梨花誰開湖寺西南路
草綠裙腰一道斜○橋口宋有總宜園稍西有涵
碧橋又西有處士橋宏春橋並廢○總宜園中貴
張氏別墅○涵碧橋宋轉運使陳堯佐重修○又
按覽勝志此地舊有殮秀閣今爲片石居

十錦塘本名樂天堤唐刺史白樂天所築因與橋聯
又名斷橋隄隄因湖水淤削日久殆盡萬曆十七

年司禮東瀛孫隆捐貲修築徑三里濶三丈甃石
鋪沙襍植四時花木重建寶帶橋垂露亭而新隄
之盛不減六橋故杭之人又名之曰孫隄經始時
中橋下掘得白公碑文有歷幾百年而吾當復生
重修之語豈孫公卽白公哉張元慶詩湖上重開
十錦塘東君經緯思偏長天流霞彩繡山色鳥弄
烟梭織水光千樹長看紅葉亂四時不斷綺羅香
望湖亭下還看醉對對濃粧簇海棠王叔杲詩橫
截平湖十里天錦橋春接六橋烟芳林花發霞千

樹斷岸光分月兩川幾度觴飛隄外景一清棹發
鏡中船奇觀粧點知誰力應有歌聲被管絃王穉
登詩湖橋新柳映青衫日日尋芳碧水灣春滿好
懷遊汗漫鶯撩吟興語開關波中畫舫樽前酒隄
上桃花寺裏山多少風流同雅調又看雁字噉雲
間屠隆詩大隄楊柳映紅霞萬井樓臺千樹花費
盡黃金買歌笑畫船強半載琵琶張邦何詩十錦
塘邊三月時花香百和落瓊卮當壚妖冶嬌春色
面面桃花檀口吹

望湖亭唐時在孤山之址宋時徙寶石峯明初復徙
故址今爲龍王堂白樂天湖亭晚歸詩盡日湖亭
臥心閒事亦稀起因殘醉醒坐待晚涼歸松雨飄
簾帽江風透葛衣柳隄行不厭沙軟絮霏霏韓克
莊湖亭宴賞懷徐復初詩芙蓉花開一萬頃錢唐
最好是湖邊晚風得醉更留月春水到門還放船
笙引鳳皇天上曲賦裁鸚鵡座中仙令人却憶徐
公子深閣焚香日晏眠僧悅雁鶴詩鬱翠團團繞
四山半空湖水接雲還孤亭似落波心上萬壑如

飛蓬牖間日暮斷橋仍泛泛鳥歸深樹亦關關浮
雲得共扁舟載更藉風流一解顏宋守一湖亭小
集詩爲問竹溪逸誰當處士星高標希俗累彩筆
動山靈鏡落芙蓉紫園開薜荔青肯憐朋好在風
雨望湖亭何景明詩獨坐湖亭望霜空萬里明檻
疑天上立槎是斗邊行雲霧開三殿芙蓉借水城
先朝四百寺秋日徧題名

孤山在重湖之間以其獨立水心故名按舊志云唐
宋間樓閣叅差彌布椒麓蓋此山爲西湖最勝處

西海志 卷之一
也唐張祐詩樓臺聳碧岑一徑入湖心不雨山常
潤無雲水自陰斷橋荒蘚合空院落花深猶憶西
窗月鐘聲出北林林逋孤山寫望詩水墨屏風狀
總非作詩除是謝元暉溪邊裊裊穿黃落樵兮丁
丁隔翠微返照未沉僧獨往長烟初淡鳥橫飛南
峯有客鋤園罷閒倚林間忘却歸趙師秀孤山寒
食詩三月芳菲在水邊旅人消困亦隨緣晴舒蝶
羽初勻粉雨壓楊花未放綿有句自題閒處壁無
錢難上貴時船最憐隱者高眠地日日春風是管

絃湯煥九日登孤山詩秋林浥露已黃花雲日能
隨節氣佳盟在論心宜歲晚時當開口又年華松
高影落澄湖淨梅老枝橫石徑斜因憶龍山誇勝
集翻憐處士欲移家

四賢堂正德間郡守楊孟瑛建以祀唐刺史李泌白
居易宋守蘇軾處士林逋者泌字長源代宗時任
居易字樂天穆宗時任軾字子瞻哲宗時任逋字
君復真宗賜號和靖處士先是唐民懷白公之德
卽山之廣化寺以祀公至宋益以蘇公林公名三

西泚志 卷之一
賢堂紹興間建四聖延祥觀而盡徙之祠遂廢京
尹袁詒復建于蘇堤中天順三年郡守吳濬徙之
故址成化十一年布政使甯良杜謙等增建仰高
亭巢居閣楊公濬湖訖事奉李公泌而併祀之遂
名四賢堂今益以廉使周新督學薛應旂分守王
世貞爲七賢祠余獨怪蘓白之後有功是湖者數
百年來唯郡守楊孟瑛一人而後人不爲建祠而
又不于四賢之後益一木主而併祀之而乃紛紛
于爲七爲八實闕典也○堂之左舊有四照閣久

廢成化間都御史韓雍復建嘉靖十四年毀和靖
巢居閣偶書詩遠舍青山看未足故穿林表架危
軒但將松籟延住客常帶嵐霏認遠村吳榜自能
凌晚汰湘纍何苦屬芳蓀餘生多病期恬養聊此
棲遲一避喧僧道潛四照閣懷少游學士詩猿鳥
投林已寂然芭蕉過雨小窗前雲移絕壁中間破
月自遙峯缺處圓照坐不須紅炬蠟可人惟有蕙
爐烟校籬御府圖書客疇昔還同此夜禪

范公祠杭人建以祀福建總督前浙江巡撫范忠貞

者忠貞諱承謨字觀公瀋陽人順治壬辰進士康熙庚戌巡撫兩浙興利除害浙人德之至其確申杜按君官收官兌之法復行籤兌以救其壞真漕務百世無弊之善政也嘗有湖隄雜咏詩十首今刻石祠內歲給錢塘縣學租銀八兩致祭

敬一書院巡撫趙公士麟建以講學者既擢去士民卽塑像于其中蓋公撫浙時惠政雖多而特其疏濬城內諸河尤爲杭民數世之利其傍有留清亭碑載其事○院左有文昌祠菊香塚○文昌祠萬

曆年建額曰古文昌祠○菊香塚按府志云在文昌祠畔小石隆起鐫字宛然

林處士墓在孤山之陰紹興十六年建四聖延祥觀盡徙諸院刹獨遺墓詔存之咸淳間賈似道題石日和靖先生墓命金華王庭書之元僧楊璉真伽發其墓惟端硯一方玉簪一枝成化十年郡守李端葺治初遺旣隱居孤山不就徵辟二十年未嘗入城市構巢居閣種梅豢鶴以自適真宗聞其名詔長吏歲時勞問遺善行草爲詩孤隋澄澹嘗有

西湖志
卷之二
詩云山水未深猿鳥少此生猶擬別移居直過天
竺溪流上獨樹爲橋小結廬又臨終詩云湖外青
山對結廬墳前修竹亦蕭疎茂陵他日求遺稿且
喜曾無封禪書時人咸重其介節而范希文仲淹
與公雅厚贈詩云巢由不願仕堯舜豈遺人又云
風俗因君厚文章到老醇其激賞如此又嘗有詩
寄之二云片心高與月徘徊豈爲千鍾下釣臺猶笑
白雲多事在等閒爲雨出山來蘓子瞻弔和靖詩
吳儂生長湖山曲呼吸湖光飲山渌不論世外隱

君子傭兒販婦皆冰玉先生可是絕俗人神清骨
冷無由俗我不識君會夢見瞳子瞭然光可燭遺
篇妙字處處有步繞西湖看不足詩如東野不言
寒書似西臺差少肉平生高節已難繼將死微言
猶可錄自言不作封禪書更肯悲吟白頭曲我嘆
吳人亦好事好作祠堂傍修竹不然配食水仙王
一盞寒泉薦秋菊高九萬拜和靖墓詩玉函香骨
老雲根占斷孤山水月村薦菊泉清涵竹影種梅
地冷帶苔痕生前已自全名節身後從誰問子孫

惟是年年寒食日遊人來與酌清尊薩天錫詩先
生勝隱得孤山小艇沿湖日往還自愛烟霞居物
外豈知名姓落人間鶴無過迹苔痕老梅自開花
月影閒表墓有銘祠有奠高風千載更廉頑陳剛
中詩北邙翁仲拱朱門玉盃時驚古帝魂爭似孤
山一坏士梅花依舊月黃昏朱淑真詩每逢清景
夜歸遲月白風清易得詩不識酌泉拈菊意一庭
空翠靄空時黃宜山詩墳邊疎影尚橫斜鶴老臺
荒處士家獨立東風難着語只攜樽酒酌梅花馮

海粟詩林逋老去句空傳寂寞荒墳起暮烟惟有
墳前數株玉自將開落度流年附和靖自題詩竹
樹遶吾廬情深趣有餘鶴閒臨水久蜂懶得花疎
酒病妨開卷春陰入荷鋤嘗憐古圖書多半寫樵
漁又詩猿鳥分清絕林蘿擁翠微步穿僧徑出肩
挂道衣歸水墅香沾熟烟崖早筍肥功名無一點
何處可忘機又詩園井夾蕭森紅芳墮翠陰晝巖
松鼠靜春塹竹雞深歲課非無术家藏獨有琴顏
淵遺事在千古壯閒心又詩湖水入籬山繞舍隱

居應與世相違開門自掩蒼苔迹過客時驚白鳥
飛賣藥比常嫌有價灌園終亦愛無機如何天竺
林間路猶到秋深夢翠微又詩四壁垣衣釣具腥
已甘衡泌號沉冥伶倫近日無侯白奴僕當時有
衛青花月病懷看酒譜雲蘿幽信寄茶經茅君使
者蕭閒甚獨理叢毛向戶庭又按詩選云和靖梅
花詩爲古今絕倡然人但知疎影暗香之妙不知
他作亦更清逸其詩云吟懷常恨負芳時爲見梅
花輒入詩雪後園林纔半樹水邊籬落忽橫枝人

憐紅艷多應俗天與清香似有私堪笑胡雛亦風
味解將聲調角中吹又云小園烟景正淒迷陣陣
寒香壓麝臍池水倒窺疎影動屋簷斜入一枝低
畫工空向閒時看詩客休徵故事題慚愧黃鸝與
蝴蝶祇知春色在頭溪又和靖雖隱居而亦以豪
放玩世嘗見其詩云道著權名便絕交一峯青翠
濕蘅茅莊生已慣鳴鳶嚇楊子休說蝦蟇嘲漏漏
藥泉來石竇霏霏茶靄出松梢琴僧近借南薰譜
且併閑工子細抄又詩閑搭綸巾擁縹囊此心隨

西海志 卷之一
分識興亡黑頭爲相雖無謂白眼看人亦未妨雲
噴石花生劍壁雨獻松子落琴牀清猿幽鳥遙相
叫數筆湖山又夕陽故當時頗有不足之者至通
嘗傲許洞洞作詩嘲之云豪民送物鵝伸頸好客
臨門鼈縮頭甚矣賢者處世之難也

放鶴亭嘉靖中錢塘令王錢作其巔有歲寒岩其下
有處士橋先是至元間儒學提舉余謙旣葺墓復
補植梅數百本于山構梅亭于其下郡人陳子安
又構鶴亭以配之後並廢今亭則少保范忠貞所

建也郵憲李公之粹題額曰林君復放鶴處香培
繼詩簫鼓明湖畫舫新年年風景屬遊人寒江一
曲梅千樹隔斷春風萬斛塵

瑪瑙坡在孤山之東碎石文瑩可鑄圖象

俞公祠公名琳字德章臨安人成化丁未進士歷官
太子少保工部尚書其致仕歸也尚書劉舜臣贈
之詩云鶯聲柳色滿皇都疏傳榮歸入畫圖輿阜
每將綏問駕廩人時有粟供厨青春作伴真奇遇
綠酒無心豈細娛莫道尚書無個事一身詩債欠

西湖蓋公之錫典月廩輿夫皆出異數故有問駕
供厨之句今廢

歲寒岩在俞公祠後石壁陡絕蒼蘚剝蝕中隱見篆
書歲寒岩三大字下疏郭令公歷中書二十四考
廣成子住空同萬八千年相傳爲蘓長公題其上
卽林和靖四照閣故址也

三賢祠在望湖亭西以祀明浙江左方伯潘恭定公
恩衷公貞吉蔡公國珍者今廢

一賢祠爲國朝浙江總督李公之芳巡撫王公國

安建前有石楔一亭一

關帝祠亦云孤山寺址前有三義閣後有清嘯亭向
貯玉篆一顆相傳爲武安故印然諦視之恐非漢
物蓋亦今人僞爲者碑有白蘓詩及唐宋人孤山
詩爲董思白書

陸宣公祠乃中書舍人洪澄別墅後屬陸少保炳炳
自謂系出宣公創祠祀之規制弘敞爲一時冠炳
旣物故仍坐法祠沒入官以名賢得不廢隆慶間
侍御豫章謝公廷傑益以嚴光林逋趙抃王十朋

呂祖謙張九成楊簡宋濂王琦章懋陳選陶大臨
並祀焉歲久就圯待御江公名謙檄郡捐贖緩葺
之中有乳泉在名賢祠右今名賢木主皆不存而
祠亦漸荒落矣

朱文公祠舊爲紫陽書院在錦塢山麓明督學蘓濬
喬因阜先後錄裔以守歲動仁和縣學租銀八兩
于春秋二仲日致祭 國朝順治丁酉當事以錦
塢山峻祠屋易圯移建今所

盧舍菴 國初織造盧九德建庵前作木柵數十丈
柵已久壞魚亦無幾矣蓋庵實孫東瀛祠址也

六一泉在孤山之南蘓子瞻銘叙畧云歐陽文忠公
將老自謂六一居士予通守杭州別公而南公曰
西湖僧惠勤甚文長于詩吾昔爲山中樂三章以
贈之子開于民事求人于湖山而不得則往從勤
乎踰年六一公薨予哭于勤舍又十八年予守杭
郡則勤亦逝矣其弟子二仲畫六一公像與勤像
而祀之有泉出講堂下予遂本勤意而名之曰六

一泉銘之曰泉之出也去公數千里後公之沒十有八年而名之曰六一不幾于誕乎曰君子之澤豈獨五世而已蓋得其人則可至千百傳嘗試與子登孤山而望吳越歌山中之樂而飲此水則公之遺風餘烈亦或見于斯泉也復于泉後作東坡菴以自寓泉屋自南宋久廢至明洪武初有僧曰行昇者樹屋購銘圖復舊觀教授徐一夔爲作疏臨湖閣上向立宋明二代死節諸君子木主祀焉扁曰乾坤正氣其內又有先覺堂以祀唐宋歷

國朝理學名賢者又按志云其地卽廣化寺舊址後夷爲茅氏園水部陳梅臣建數峯閣以祀甲申死事六君子者吳農祥六君子詩戶部尚書倪文正公五雲籌策大司農少府黃堂久不供劍履南宮爭感憤衣冠北闕最從容玉河朝馬看星渡金殿行人報夕烽最憶壽寧頻酌酒幾時長樂聽疎鐘左副都御史施忠介公傳箭江山慘夕暉相看正笏把珠衣九原馬革心真壯萬死龍髯事已非蘭省才名推柱石栢臺丰采照神畿漢庭諫議如

公少好御金燈碧海歸大理寺卿凌忠清公忠清
逸興夜留賓春日明燈理釣綸嘯傲能言天下事
指揮先得眼中人高眠同坐清絲舫起舞還看白
氎巾倚立綺筵思執友十年消息更傷神右庶子
周忠節公陪都宮闕插峩峩鐘鼓宮墻又六朝少
日趨庭沾雨露同時開府入雲霄低迷海燕吹梅
蕊隱現宮鶯墮柳條飲泣可憐章給事蓮花清濁
未曾消侍御陳恭愍公蕭然襍被出神京百尺明
湖好濯纓印綬早聞貪吏去壺漿真見使君迎傷

心聖主仍多難何意孤臣享大名好薦椒蘭還
哭似公驄馬鎮江城太常寺少卿吳忠節公吾家
忠節更何如折檻朱門屢上書早計真當憐范滂
奇謀若用誤包胥崢嶸華髮絲相似磊落文章錦
不如千古同心文相國故京柴市一停車

孤山舊有廣化寺西閣辟支塔鑑堂栢堂竹閣智果
院瑪瑙寶勝院報國寺閑泉四聖延祥觀西太乙
宮金沙井萬壽寺學士溝西湖書院並廢○廣化
寺或云卽孤山寺陳天嘉初建名永福宋時改爲

廣化白樂天西湖晚歸回望孤山寺贈客詩柳湖
松島蓮花寺晚動歸橈出道場盧橘子低山雨重
棕櫚葉戰水風涼烟波淡蕩搖空碧樓閣參差倚
夕陽到岸請君回首望蓬萊宮在水中央又孤山
寺遇雨詩拂波雲色重灑葉雨聲繁水鷺雙飛起
風荷一向翻空濛連北岸蕭颯入東軒或擬湖中
宿留船在寺門林君復孤山寺詩低處凭欄思渺
然孤山塔後閣西偏陰沉畫軸林間寺零落棋枰
葑上田秋景有時飛獨鳥夕陽無事起寒烟遲歸

更愛吾廬近祇待重來看雪天○西閣一名彌勒
閣辟支塔在焉僧志文詩有風積遠山秋氣象月
生高閣夜精神之句○栢堂宋僧志銓作陳文帝
天嘉二年有榷兩檜于孤山寺中至宋時猶存其
一號陳朝檜志銓作堂其側曰栢堂與竹閣連屬
蘓子瞻作詩紀之云道人手種幾生前鶴骨龍姿
尚宛然雙幹一先神物化九朝三見太平年忽驚
華厦依巖出乞與嘉名到處傳此栢未枯若記取
灰心聊伴小乘禪後孝宗嘗書此詩勒石○竹閣

白樂天作在孤山寺中杭人因貌公像而祀之今
爲四賢堂址其詩云晚坐松簷下宵眠竹閣間清
虛當服藥幽獨抵歸山巧未能勝拙忙應不及閒
無勞別修道只此是玄關蘇子瞻詩海山兜率兩
茫然古寺無人竹滿軒白鶴不留歸後語蒼龍猶
是種時孫兩叢卻似蕭郎筆千畝空懷渭上村欲
把新詩問遺像病維摩詰更無言○智果院宋有
參寥泉蘇子瞻記畧云僕在黃州夢與參寥子賦
詩有寒食清明都過了石泉槐火一時新之句後

七年守錢唐參寥子卜居智果院有泉出石縫甘
冷宜茶寒食之明日僕自孤山來訪之汲泉鑽火
烹黃栢茶適符所夢遂記以刻石爲之銘按參寥
子名道潛於潛人○瑪瑙寶勝院舊有閑泉僕夫
泉僧智圓所鑿也智圓字無外錢唐人號中庸子
時王文穆公罷相知杭州諸僧出迓慈雲禪師邀
之偕往圓辭曰傾山倒壑奔走紅塵暫留坐鎮諸
僧赧服與處士林逋爲友著閒居編五十一卷臨
化命門人卽後山歛陶器而護葬之名陶器塚自

爲銘〔又作自悼詩三首〕其一云蕭蕭墓後千竿竹
鬱鬱墳前一樹松此處不須兄弟哭自然相對起
悲風○報恩寺開寶初錢氏建亦六一泉地也○
四聖延祥觀紹興間韋太后還自沙漠建以沉香
刻四聖像并從者二十人飾以大珠備極工巧爲
園曰延祥時高宗絕愛西湖孝宗嘗奉之以遊歷
三朝爲故事高疎寮詩云水明一色抱神州雨壓
輕塵不敢浮山北山南人喚酒春前春後客凭樓
射熊館暗花扶屐下鵲池深柳拂舟白髮邦人能

道舊君王曾奉上皇遊元初楊璉真伽廢爲萬壽
寺○西太乙宮宋理宗時中貴盧允升等以奢侈
導上妄稱五福太乙臨吳越之分乃卽延祥園建
太乙宮而瑪瑙玻六一泉金沙井皆歸御園宮觀
亭榭悉以御書額之有瀛嶼射圃白蓮堂挹翠堂
蓬萊閣香月清新等亭觀有涼堂紹興間遺構也
高宗將臨觀之其時有素壁四堵高二丈中貴人
相語曰官家所幸素壁非宜亟趣御前蕭照往繪
山水照受命卽乞尚方酒四斗昏出孤山每一鼓

卽飲一斗盡一斗則一堵已成畫成而照亦沉醉
上至嘆賞宜賜甚厚理宗改爲黃庭殿周弁陽詩
藥宮廣殿號黃庭突兀浮雲最上層五福貴星留
不住水堂空照九枝燈元時楊璉真伽攘爲僧窟
未幾蕩廢○金沙井在廣化寺白樂天愛酌之井
底沙燦如金出之卽黑○學士溝在山南山處士
橋入元時西湖堙合好事者疏之以通小舟集賢
學士揭曼碩見而助焉因名曼碩自爲記○西湖
書院成化間布政使審良等建以居大理卿郡人

夏時正者卽太乙宮故址也建書庫捐贍田以待
四方游學之士徐奇詩天上歸來畫錦行一區書
屋傍湖成身如五柳先生懶心似孤山處士清松
下研硃朝滴露竹西開卷夕陽明遙知載述中宵
候萬丈文光射斗平

附蘇小小墓小青墓○蘇小小者錢唐名妓也蓋南
齊時人其墓或云江干或云孤山今皆無據姑附
於此宋時司馬才仲初在洛下晝寢夢一美人牽
帷而歌曰妾本錢唐江上住花落花開不啻流年

西湖志 卷之一
度燕子銜將春色去紗牕幾陣黃梅雨才仲愛其
詞因詢名云是黃金縷後五年才仲舉爲錢唐幕
官爲秦少章道其事少章續之云斜插犀梳雲半
吐檀板輕敲唱出黃金縷夢斷彩雲無覓處夜涼
明月生南浦又馬浩瀾與王天璧泛湖蘓小小降
乩和浩瀾詩此地曾經歌舞來風流回首卽塵埃
王孫芳草爲誰綠寒食梨花無主開郎去排雲叫
閨闔妾今行雨在陽臺衷情訴與遼東鶴松柏西
陵正可哀又按新志據白樂天春色都藏蘓小家

之句其墓竟載是山之麓○小青墓小青云係馮
氏妾以遭妬屏居孤山居近蘓小小墓焚餘十一
首所謂把酒自澆蘓小墓者是也後死葬于此然
詩爲馮游龍先生筆而傳亦皆綠窓蘭咳所擬作
蓋以情字拆爲小青字也詩出馮手故小青托馮
姓其實爲一時文人之筆非果真有其事也今按
志又似確有其墓余是以并錄焚餘十一首暨詞
一首于後以俟博雅者之論定云小青焚餘詩十
一首其一雪意閣雲雲不流舊雲正壓新雲頭米

顛顛筆落牕外松嵐秀處當我樓垂簾只愁好景
少捲簾又怕風繚繞簾捲簾垂底事難不情不緒
誰能曉爐烟漸瘦剪聲小又是孤鴻淚悄悄其二
稽首慈雲大士前莫生西土莫生天願爲一滴楊
枝水灑作人間並蒂蓮其三春衫血淚點輕紗吹
入林逋處士家嶺上梅花三百樹一時應變杜鵑
花其四新妝竟與西圖爭知在昭陽第幾名瘦影
自臨春水照卿須憐我我憐卿其五西陵芳艸騎
鱗鱗內信傳來喚踏春杯酒自澆蘇小墓可知妾

是意中人其六冷雨幽牕不可聽挑燈閒看牡丹
亭人間亦有癡於我豈獨傷心是小青其七何處
雙禽集画闌朱朱翠翠似青鸞如今幾個憐文彩
也向秋風鬪羽翰其八脈脈溶溶灑灑波芙蓉睡
醒欲如何妾映鏡中花映水不知秋思落誰多其
九盈盈金谷女班頭一曲驪珠衆伎收直得樓前
身一死季倫原是解風流其十鄉心不畏兩峰高
昨夜慈親入夢遙說是浙江潮有信浙潮爭似廣
陵潮其十一百結迴腸寫淚痕重來惟有舊朱門

夕陽一片桃花影知是亭亭倩女魂又天仙子詞
一首文姬遠嫁昭君塞小青又續風流債也虧一
陣黑罷風火輪下抽身快單單另另清涼界原
不是鴛鴦一派休算做相思一槩自思自解自商
量心可在魂可在着衫又撚裙雙帶陸求可過小
青廬詩孤山憔悴閉門居冷雨幽牕夜著書二十
四橋花夜月應教移照小青廬

西冷橋一名西林橋又名西陵橋從此可往北山者
元張輿詩紅藕花深逸興饒一雙鷓鴣避鳴橈曉

風涼入桃花扇臘酒香分椰子瓢狂客醉歌明月
上美人歌斷綠雲消數聲漁笛知何處疑在西冷
第一橋劉邦彥湖上花開報劉邦美詩白鷗遙待
酒船來芳草汀洲去復回爲惜杏花寒勒住西冷
昨夜一枝開○橋畔向有五顯祠俗號西陵五聖
廟今奉勅廢祠後有古栢一株至今尚存人訛
陳朝栢其斜對又有東陵五聖祠今亦改額文昌
祠矣其門向有瀛永書對聯八字去湖山有主魚
鳥來賓辭字俱佳○又按覽勝志橋畔舊有西冷

草堂爲瞿宗吉建

蘇公隄宋元祐間蘇子瞻旣濬湖取葑泥積湖中自南新路屬之北新路徑五六里夾植花柳爲長隄中有六橋橋各有亭覆之其詩云六橋橫截天漢上北山始與南屏通忽驚二十五萬丈老葑席卷蒼烟空章子厚詩云天向長虬一鑑痕直通南北兩山春自是湖分爲兩西曰裏湖東曰外湖南渡後隄橋成市歌舞蕘之走馬遊船達旦不息歲久弗治裏湖盡爲民業六橋水流如綫正德初楊孟

暎又重濬之西抵北新隄爲界增益蘓隄高二丈濶五丈列挿萬柳頓復舊觀久之柳收隄復就圯嘉靖間縣令王錢令犯人小罪可宥者得雜植桃柳爲贖真治湖一良法也惜嗣后公令嚴謹守土者不得踵行之耳隄南第一橋曰映波與西岸第六橋對舊有旌德觀先賢堂觀本定香寺今止存定香橋寶慶間京尹袁詔改建爲觀有虛舟雪錦二亭堂名仰高祠祀許由而下四十人寶慶初去潘閔及節孝婦孫夫人凡五人中有振衣清風二

西澗志 卷之二
亭尋併入旌德觀。○第二橋曰鎖瀾與西岸第五橋對舊有湖山堂京尹洪燾建三賢堂袁公所建以祀白蘇林三公者後有三堂扁曰水西雲北月香水影晴光雨色。○第三橋曰望山與西岸第四橋斜對水名花港所謂花港觀魚者是也舊有雪江講堂淳祐中婺州布衣胡仇充三賢堂堂長號雪江有錦囊集。○第四橋曰壓隄與西岸第三橋對舊有崇真道院俗稱施水庵賈似道建庵傍有石臺籠燈以照夜船水仙王廟亦名龍王祠先是

以樂天和靖子瞻附祀兩廡有井曰薦菊蓋取蘓詩不然配食水仙王一盞寒泉薦秋菊之義也後廢嘉靖二十二年郡守陳仕賢構亭其上。○第五橋曰東浦與西岸第二橋對。○第六橋曰跨虹與西岸第一橋斜對稍北則爲西陵橋矣高竹屋咏蘇隄芙蓉菩薩蠻詞紅雲半壓秋波急艷粧泣露啼嬌色幽夢入便城風流石曼卿官袍呼醉醒休捲西風錦明日粉香殘六橋烟水寒陳剛中湖隄感舊詩昔日珠樓擁翠鈿女墻猶在草芊芊東

風第六橋邊柳不見黃鸝見杜鵑張光弼湖隄卽事詩湖柳湖波盡可憐不知春在阿誰邊滿頭翡翠雙鬟女細雨吳歌濕畫船李草閣春曉過湖詩宿雲如墨繞湖隄細柳新蒲咫尺迷行到畫橋天忽醒誰家茆屋一聲雞吳養浩與張伯雨湖隄暮歸詩柳絲淡蕩雨霏微隔水遙看羽蓋飛馬上仙人強支酒蹋花何處晚來歸何夢桂春日過湖詩白髮星星紗帽烏強隨年少過西湖清明上塚行人在寒食開門宮使無半世行藏隨杖履百年悲

樂寄尊壺歸來第五橋邊路半樹斜陽噪畢逋孫一元詩十里飛花送酒卮六橋兒女蹋春詞無人會得漁翁意獨立晴湖照影時范承謨詩六橋桃柳是新栽鎮日遊人千萬回隱隱簫聲船裏度輕輕雲影日邊來

楊公隄俗稱裏六橋知府楊孟瑛旣開西湖遂築此隄然近北山三橋宋時已有之楊公所築特南三橋耳自北而南第一橋曰環壁近淨空院玉泉之水出焉第二橋曰流金沙灘之水出焉西爲天

澤廟第三橋曰臥龍自此而西可通茅家埠第四
橋曰隱秀逶丁家山而東沿隄屈曲蒼翠掩映西
可通花家山又名花家園第五橋曰景行舊有三
賢祠在焉從此而西可通麥嶺路第六橋曰濬源
從定香橋而入近發祥寺○又按覽勝志此地有
醉白樓金溪草堂○醉白樓爲樂天書在茅家埠
今爲吳庄○金溪草堂在金沙灘之北爲虞伯生
讀書處

履泰將軍廟在裏湖之金沙灘始建日月不可考按
武林舊事云將軍姓孫名顯忠錢唐人仕吳越爲
名將宋嘉熙中趙與懽尹京禱雨有驗疏聞封天
澤侯額曰勅賜孚應之廟人又稱天澤廟廟有天
澤井葛仙翁所植虬松明萬曆癸未夏旱郡守東
吳張振之率僚屬士民徧禱不雨一夕將軍降于
此示禱雨所嚮且爲助雨明日振之詣廟禱如神
指遂雨三日大有年廟垂圯卽拓地新之仍令夏
秋仲月丞簿致祭無有所失郡丞新建喻均爲記
○又有小隱園裴園史園喬園資國園並廢○小

隱園本內侍陳源外宅後收入重華宮撥賜張貴妃建崇福院前有雙岸金沙澗○裴園裴禧別業楊廷秀詩岸岸園亭傍水濱裴園飛入水心橫傍人莫問遊何處只揀荷花深處行○史園史徽孫別業其西北有螞蝗橋○資國園卽復恭將軍故宅也

關帝廟在金沙灘裏岸始建月日未考歲久就圯有人題其壁云野鶴閒雲東復西孤亭獨坐自栖栖愁看伐木根株盡一路空山絕鳥啼今廢

趙公隄宋淳祐中京尹趙與篁自北新路第二橋至麴院築堤以通靈竺之路夾岸花柳人比蘇隄

湖心亭按舊志云自宋末元歷明初皆爲湖心寺鵠立湖中三塔鼎峙相傳湖中有三潭深不可測所謂三潭印月者是也六十家小說載有西湖三怪時出迷惑遊人故壓師作三塔以鎮之弘治間按察司僉事陰子淑爲諸生時曾遊入寺廉得衆僧之姦及爲秉憲立燬之併去其塔嘉靖三十一年知府孫孟尋遺址建亭其上不數年而圯萬曆四年

按察司僉憲姑蘓徐廷祿大叅海虞王竺錢唐尹
西蜀姜召重建而扁額有太虛一點宛在水中央
之題未幾崩壞萬曆四年司禮孫東瀛重建四礎
上植桃柳改建喜清閣後塑文昌神像推府贊皇
胡來朝對聯云四季笙歌尚有窮民悲夜月六橋
花柳渾無隙地種桑麻康熙壬子范忠貞題其閣
曰勾留處許叔夏湖亭詩孤亭突兀敞高秋風起
青萍紫翠浮一送歸鴻何處去碧天明月夜悠悠
徐子輿門人湖亭對月詩千山雨後片雲無一棹

風前興不孤入座詞人高北斗開尊明月滿西湖
光依玉樹秋偏媚寒照冰心病欲蘓此地夜遊經
九度未知誰解探驪珠陳洪濠詩十里湖光一鏡
平何年卜築破空明月中誤擬嵒臺見海上真疑
蜃氣成碧落星團鳳蓋雲根裁石結鷗盟桃源
不必尋歸路徙倚凭欄挹太清史大成湖亭感舊
詩十八年來又一看秋風颯颯霧漫漫可憐柳盡
桃俱盡且喜山殘水未殘雙塔寺開雲並曉六橋
烟斷月齊寒輕舫蕩漾猶如昔短策長亭獨倚欄

姚安偕三楚顧良才過湖上詩瀟湘美景聞天下
君上湖亭意若何吞吐晴光千浪暖卷舒雲氣兩
峯多陽春有脚歸花柳芳艸無心戀綺羅力倦翻
嫌山路淺振衣再擬一同過

又郡人司勳虞淳熙刪定畧云湖心寺晉天福中紹
巖禪師建大中祥符初賜額水心保寧寺有德生
堂飛泳亭永明禪師曾於此放生杭人多效之外
列三潭故又名三塔寺西湖十景之一也圖見成
化志天順三年郡人趙氏請葺峯禪師重修弘治

五年僉事陰子淑因毀寺及塔葺寒湖源萬曆三
十五年郡人司勳虞淳熙探中塔基得之請于當
事邑令聶心湯以鄉紳里老楊兆坊金學會等之
祠申三臺許焉聶令捐俸首事蓮池大師助金捲
葺淳熙同裘道濬築內隄一環楊兆坊都鍾先後
構室住守池僧三十九年縣令楊萬里繼築外堰
四十二年藉潭救涸於是鹽臺楊鶴檄濬潭築隄
遂成外隄數百丈而內隄則是沈一化培擁之一
時撫臺劉一焜按臺李邦華鹽臺崔爾進督糧周

世賞督學周延光巡道王應軋交檄增隄三尺外
闢二潭就古德生堂址建閣三楹督糧與郡守楊
聯芳所助獨多四十六年左伯蕭近高加築石塘
四百餘丈郡守姚之蘭成外梁按此則湖心寺址
近南屏卽俗所謂放生池者非今湖心亭卽昔湖
心寺遺址也舊志都混二爲一殊不可曉今按通
志云亭爲北塔遺址而寺爲中塔南塔遺址則意
以當日三塔皆在寺前故建亭者卽以舊址爲辭
而不及分別言之耳

湖心寺俗名放生池明萬曆三十五年建歲久就圯
國朝康熙間重飭復之廬舍易置大畧又非虞
淳熙所記之舊矣今惟德生堂扁額尙存萬曆間
撫憲劉一焜嘗爲放生百韻於此按此條尙載湖
心亭下今以寺址距亭甚遠且亦非昔日保寧之
舊故復另識於此以便遊覽者之易於別識云

